



UNIONE DE IS COMUNOS DE SU GERREI

**COMUNOS DE: ARMÙNGIA – BALLAU – SCALEPRANU – GONI – SANTU
'ASILI 'E MONTI– PAULI GERREI – SANT'ANDRIA 'E FRIUS – SILIUS –
BIDDESARTU**

ISTATUTU PRO S'ORDINAMENTU ED SU FUNZIONAMENTU DE S'UNIONE

Modificadu e torradu a aprovare segundu su presente testu cun deliberatziones de su :

- Comunu de Armùngia : Deliberatzione C.C. n. 10 de su 24.04.08;
- Comunu de Ballau: Deliberatzione C.C. n. 13 de su 24.04.2008;
- Comunu de Goni: Deliberatzione C.C. n. 07 de su 21.04.08
- Comunu de Pauli Gerrei: Deliberatzione C.C. n. 07 de su 26.04.08;
- Comunu de Sant'Andria e' Frius: Deliberatzione C.C. n. 12 de su 24.04.08;

Aprovadu dae is Comunos de Scalepranu, Santu 'Asili 'e Monti, Silius e Biddesatu chi ant fatu recherta de adesione a s'Unione, aprovada dae is Comunos fundadores subraelencados, cunforma a s'art. 5 de s'istatutu de s'Unione, cun is deliberatziones consiliares sighentes:

- n. 06 de su 29.04.08, esecutiva, de su Comunu de Scalepranu;
- n. 08 de su 28.04.08, esecutiva, de su Comunu de Santu 'Asili 'e Monti;
- n. 16 de su 28.04.08, esecutiva, de su Comunu de Silius;
- n. 10 de su 29.04.08, esecutiva, de su Comunu de Biddesatu;

CAPU I - Elementos constitutivos

Art. 1 - (Natura de s'Unione)

1. 1 Comunos de ARMÙNGIA, BALLAU, GONI, PAULI GERREI, SANT'ANDRIA 'E FRIUS si costituint in Unione cunforma a s'art.32 de su D.Lgs. 18/08/2000 n. 267 e de s'art. 3 de sa L.R. 12/05. e s.m.i.
2. S'Unione est su trastu de collaboratzione de is suetos assotziados, dotadu de personalidade giuridica, potestade regulare pro sa disciplina de s'organizatzione sua, pro s'acumprimentu de is funtziones a issa afidades e pro is raportos fintzas finantziarios cun is comunos.

Art. 2 - (Denominatzione e sede)

1. S'Unione pigat sa denominatzione de UNIONE DE IS COMUNOS DE SU GERREI.
2. S'Unione tenet sede legale in Pauli Gerrei, Pratzza Salvatore Naitza s.n.
3. S'assemblea at a pòdere deliberare s'adotzione de unu sinnu emblemàticu (logotipu o logo) e, bisongende, su cambiamentu de sa sede, fintzas cun trasferimentu in àteru Comunu.

Art. 3 - (Finalidade de s'Unione)

Est còmpitu de s'Unione promòvere s'integratzione progressiva intre is comunos chi dda costituint gestende cun efitzèntzia e efcatzidade totu su territòriu e poderende in capu a is singulos Munitzpios sa cumpetèntzia a s'esertzìtiu de is funtziones amministrativas chi prus dae curtzu nde caraterizant is peculiaridades ispetzificas.

S'Unione de is Comunos de su GERREI persighit s'autogovernu e promovet s'isvilupu de is comunidades comunales chi dda costituint, cuncurrende a s'annoadura de sa sotziedade de s'Istadu; promovet in prus s'amparu solidale intre is Comunos, chi ant a pòdere, cun s'atzione issoro, cuncurrere a parare fronte situatziones temporàneas de dificultade chi unu Comunu si potzat agatare.

S'Unione de is Comunos de su Gerrei, in contu de is funtziones esertzidades dae issa, rapresentat is comunidades de is chi tenent residèntzia in su territòriu chi dda delimitat, de is cales cuncurret a curare is interessos e promòvere s'isvilupu, tenende contu de is relativos apentos e peculiaridades de is singulos Comunos aderentes.

S'Unione cuncurret a sa determinatzione de is obietivos cuntènnidos in is pianos e programas comunales, de sa Provìntzia de Casteddu, de sa Regione Sardigna, de s'Istadu e de s'Unione Europea providit, pro su chi est de cumpetèntzia pròpia, a s'ispecificazione e atuatzione issoro in sa prospetiva finalistica remonadu in su pretzedente coma.

Art. 4 - (Ogetu)

Podent èssere trasferidas a s'Unione de is Comunos de su Gerrei, is cumpetèntzias chi pertocant is sighentes funtziones:

SERVÌTZIU PERSONALE COMUNALE, DE IS CANTIERI E TRABALLOS IN ECONOMIA

Funtziones atribuidas: - Personale:

- Funtziones amministrativas, previdenziales, assicurativas e contàbiles de totu is personale dipendente de is Comunos, de su personale de is cantieris e de is traballos in economia.
- Nùcleu de Valutazione e controllu de gestione.
- Cuntratazione Colletiva detzentrada integrativa.
- Problemàticas chi pertocant sa seguridade in is postos de traballu (ex D.Lgs. n. 626/1994).

SERVÌTZIU DE IS TRIBUTOS COMUNALES

Funtziones atribuidas: -

- Gestione (Atzertamentu, licuidazione, ispesa, rimbursos e cuntentziosu) de is sighentes tributos: -

I.C.I.; T.A.R.S.U.; T.O.S.A.P.; C.O.S.A.P.

SERVÌTZIU ISTATÌSTICA

Funtziones atribuidas: -

- Ufitziu de Istatistica (ISTAT);

SERVÌTZIU TERRITÒRIU – AMBIENTE – INFRASTRUTURAS

Funtziones atribuidas: -

- Gestione coordinada de s'edilìtzia privada, sa pranificatzione urbanìstica comunale, sa realizatzione e gestione de is Òperas Pùblicas, cumpresas is protzeduras espropriativas;
- Territòriu e Urbanìstica: edilìtzia residentziale pùblica;
- Incuinamentu acùsticu;
- Incuinamentu eletromagnèticu;
- Gestione de is refudos;
- Interventos de defensa de sa terra e preventzione de s'arriscu de franadas e/o idrogeològicu;
- Òperas Pùblicas;
- Viabilidade;
- Trasportu Pùblicu locale;
- Protetzione tzivile;

- Gestione catastu;
- Luta a su randagismu.

SERVÌTZIU - ISVILUPU ECONÒMICU E DE IS FAINAS PRODUTIVAS

Funtziones atribuidas: -

- Programatzione de s'isvilupu econòmicu de is Comunos e redatzione de is Pranos de Isvilupu Econòmicu Locale;
- Gestione de s'isportellu ùnicu pro is fainas produtivas;
- Commèrtziu e fainas produtivas;
- Turismu;
- Artesania;
- Massaria;
- Indùstria;
- Fieras e mercados.

SERVÌTZIU SISTEMA INFORMÀTICU

Studio e gestione de su sistema informàticu de s'Unione. **SERVÌTZIOS A SA PESSONE E A SA COMUNIDADE**

Funtziones atribuidas: -

- Amparu de sa salute (Sistema integradu de is servìtzios a sa pessone L.R. 23/2005);
- Istruzione iscolàstica;
- Benes culturales;
- Ispetàculu e fainas culturales;
- Isport.

PROGRAMATZIONE NEGOTZIADA

POLITZIA URBANA E RURALE – AMMINISTRATIVA –GIUDITZIÀRIA E DE PÙBLICA SEGURIDADE

Funtziones atribuidas: -

- Servìtzios de Polizia Munitzipale, cumpresas totu is funtziones amministrativas e connètidas.

S'Unione, in s'esertìtzio de is funtziones atribuidas, assegurat sa consulèntzia giuridica e tècnica netzessària, fintzas cu su recursu a consulèntzias esternas.

A s'Unione podent èssere atribuidas àteras cumpetènzias respetu a is elencadas in su coma pretzedente, a pustis de sa muda de su presente Istatutu e Atu Costitutivu.

Su sèberu de is cumpetènzias ogetu de trasferimentu pertocat, pro cantu possibile, servìtzios parìviles e comente si siat chi fatzant a mancu de lassare in capu a su Comunu cumpetènzias gestionales residuales. A custu iscopu, francu diferente voluntade manifesta deliberada, su remonu de unu datu setore materiale fata in is atos de trasferimentu cumportat s'intrada de s'Unione in totu is funtziones amministrativas chi nd'interessant a manera dereta sa gestione de cumpetènzia comunale.

Art. 5 - (Adesione de Comunos noos)

1. Is Comunos chi bolent aderire a s'Unione a pustis de sa costituzione sua, presentant rechesta iscrita unende deliberatzione de su Cunsìgiu Comunale pigada a majoria dae is cunsigeris chi ddu cumponent.

2. Sa recherta at a èssere sutaposta a aprovatzione de is Comunos chi faghent parte de s'Unione sighende su matessi iter protzedurale de muda de s'Istatutu.

Art. 6 - (Durada)

1. S'Unione dutat finas a cando is Comunos chi dda cumponent nde dispòngiant s'isorvimentu, cun deliberatzione de cada Cunsìgiu Comunale, e, comente si siat, finas a cando a dda cumpònere siant a su mancu duos Comunos.

Art. 7 - (Retzessu)

1. Cada Comunu chi partètzipat a s'Unione podet retzèdere in manera unilaterale, cun providimentu consiliare.

2. In casu de retzessu dae banda de unos cantos intre is Comunos chi dd'ant constituida, sa gestione de is raportos acumandados a s'Unione at a bènnere torrada a intregare a is relativos Comunos.

3. Is brigas chi podent nàschere in dipendènzia de su presente articulu ant a èssere detzìdidas dae una cummissione cumposta dae un'espertu numenadu dae su Cunsìgiu de Amministratzione, dae un'espertu numenadu dae sa Giunta de su Comunu interessadu e dae un'espertu numenadu dae su Presidente de su Tribunale cumpetente.

Art. 8 - (Protzedimentu pro su trasferimentu de is cumpetènzias)

1. Su trasferimentu de is cumpetènzias est deliberadu dae is Comunos e si perfetzionat pro mèdiu de una deliberatzione assembleare de retzepimentu dae banda de s'Unione de sa cale, fintzas cun rinvìu a is solutziones transitòrias dàbiles prevididas dae is atos comunales, essant a campu is cunditziones organizativas e finantiàrias idòneas a evitare chi in sa sutzessione de sa titularidade de is raportos si potzat determinare cada forma de pregiudìtziu a sa continuidade de is prestatziones e/o servìtzios chi nde derivant.

2. A pustis de su trasferimentu de is cumpetènzias de una matèria s'Unione depenit titolare de totu is funtziones amministrativas chi ocurrent a sa gestione sua, e a issa cumpetent in manera dereta is impostas collegadas, tarifas e contributos, cumpresa sa determinatzione issoro, atzertamentu e prelevamentu.
3. Su protzedimentu de trasferimentu, s'in casu, curat de risòlvare totu is trascritziones, is volturas e is àteros bisòngios chi essint a campu a s'intrada de s'Unione in sa titularidade de is raportos currentes cun sugetos tertzos. Si custa faina non potzat èssere acumprida cun lestresa, est facultade de is Comunos deliberare in cada casu su trasferimentu de is cumpetènzias segundu s'ogetu, deleghende a s'Unione su còmpitu de gestire in nùmene, contu e interessu de su Comunu custos raportos.
4. Pro more de su progressivu sèberu de is cumpetènzias de s'Unione e a s'acumprimentu de is bisòngios istrutoriales chi serbint a nd'evidenziare e nde risòlvare is cunditziones ùtiles a su trasferimentu issoro a s'Unione etotu, si protzedet de norma mediante cunferènzias de servìtzios, presididas dae su presidente de s'Unione, overas, in casu de inèrtzia sua transida pro 45 (barantaghimbe) dies dae sa data de ritzevimentu de sa rechesta direta a dda promòvere, de su Sindigu de su Comunu chi dd'at inoltrada.
5. Su cunflitu de cumpetènzia, ativu o passivu, intre s'Unione e unu o prus de is Comunos in manera relativa a sa titularidade a pitzu de s'esertzìtziu de is funtziones amministrativas interessadas dae su trasferimentu, est risòlvidu cun is modalidades descritos in su coma 3 de su pretzedente articulu 7.